

მიყვარს მშუქარი ვაზის ყვავილი

მიყვარს, ყანაში როცა მიდიხარ,
მიყვარს ვენახში თუთის დარხევა,
როცა გაისმის ქართლში გვრიტის ხმა
და გაზაფხული გაიჩარხება.

მიყვარს მთებიდან ნათქრიალები
ბარში ნიაღვრის ღვართა გალობა,
როცა სიმღერით ხეებს ქალები
შეესევინ ახალბალობას...

მიყვარს მშუქარი ვაზის ყვავილი,
ხეს რო ფოთოლი დაეწმინდება,
როცა ოცნებით ყანას გავივლი,
ყანის სიწმინდე როს მომინდება.

მომელანდება სხვა სიხარული,
დაულალავი მისი მშვენება,
და ლურჯი ზეცა მტრედისმხარული
გულზე ნათელით დამესვენება.